



Publicaziuns dalla vischnaunca, jamna 4

Votaziun cantunala e communal Elecziun cantunala e regiunala

L'urna principala en casa communal ei aviarta sco suonda:

Sonda, ils 28-1-2012, 18.30-19.30
Dumengia, ils 29-1-2012, 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 27 da schaner 2012 allas 17.00** tier l'administraziun communal (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suadont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (suppli cau da francar) ni directamein fierer en la scaffa da brevs dalla casa communal.

Ils cedels da votar ston esser **sil pli tard la sonda, ils 28 da schaner 2012 allas 12.00** tier l'administraziun communal. Il certificat dil dretg da votar ei da suttascriber. Senza Vossa suttascripziun cun agen maun ei la votaziun **nunvaleivla**.

Suprastonza communal Disentis/Mustér

Cussegl da vischnaunca Gie al project dalla meglieraziun

En sia seduta dils 16 da schaner 2012 ha il cussegl da vischnaunca da Mustér approbau unanimamein il project per la meglieraziun funsila per mauns dalla votaziun dil pievel. Quella ha liug ils 11 da mars 2012. **Ils 15 da fevrer 2012** vegn la populaziun orientada davart il project.

Il project dalla meglieraziun da Mustér cumpeggia in perimeter da rodund 675 hectaras ed in diember da 1488 parcelas. Cumpriu en quel ei era ina sanaziun ed engrondaziun dalla reit da vias dalla meglieraziun ch'ei gia succedida a Segnas e Pardomat/Madernal. Il project ei calculaus cun cuosts da rodund **26 milliuns francs**, rodund **80 pertschien** da quels sorprendan cantun e confederaziun. A-schilunsch ch'il suveran decida da principi da realisar la meglieraziun e conceda en ina secunda votaziun il credit persunter, vegnan las lavurs a cuzzar bunamein 40 onns.

Sin intschess dalla vischnaunca da Mustér ei la meglieraziun funsila succedida entochen ussa a Segnas, Pardomat/Madernal e Mumpé Medel.

Il cussegl da vischnaunca ha plinavon approbau ina revisiun parziala dalla planisaziun locala. Quella revisiun preveda pliras adattaziuns necessarias, pretendidas dalla Regenza sco era giavischadas da singuls vischins. Denter auter era ina reglamentaziun per la nova zona d'indigens a Caschuarz. Medemamein preveda ella ina midada dalla zona speciala Disentiserhof. Quella midada duei possibilitar d'activar il menaschi da hotel. Leutier drova ei ligiontamein in plan d'areal cun strentgas prescripziuns davart l'utilisaziun dil terren. En connex cun quella adattaziun ha la suprastonza communal communicau al cussegl da vischnaunca, ch'ella retili la proposta per ina contribuziun da **450 000 francs** per il bogn dil Disentiserhof.



La pussevividad d'in diever da quella infrastruttura turistica sa succeder entras ina curvegnyentscha. Cusseglia Pirmin Lozza ha inoltrau in postulat che pretenda l'elavuraziun d'in pareri d'in biro specialisau partenent **zonas da tempo 30**. Ei duei vegnir examinau nua che talas zonas ein pussevlas e prudentas sigl entir intschess dalla vischnaunca da Mustér.

Suprastonza communal

Taglia da tgauns 2012

Naven d'immediat **entochen la fin fevrer 2012** san las marcas da tgauns vegnir retratgas tier l'administraziun communal. La taglia da tgauns munta pigl'emprems tgaun **frs. 120.–**, per mintg'ulteriur tgaun ella casada **frs. 180.– per onn**.

Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinas, per tschocs e suords ein deliberai dalla taglia, ston denton purtar la marca da tgauns.

Nus supplichein da comunicar all'administraziun communal midadas, q.v.d. tals che han retratg 2011 ina marca da tgauns ed han buca pli il tgaun, ni novs possessurs da tgauns. Naven dils 1-1-2007 ston tuts tgauns esser marcai cun in microchip ni cun ina tetovaziun bein veseivla. Il tgaun sto era esser registraus tier la Animal Identity Service AG (Anis), Berna.

Nus supplichein tut ils possessurs da tgauns da risguardar quellas prescripziuns. Plinavon fagein nus attents Vus sin suandontas prescripziuns:

Cuors da tgauns – cuors obligatori

Cuors teoretic, artechel 68 alinea 1, ordinaziun davart la protecziun d'animals

Tgi che ha aunc mai possedi in tgaun ei obligaus d'absolver il cuors teoretic avon che cumprar in tgaun. Quei vala per mintga possessur da tgauns che sa buca demussar ch'el ha gia possedi in tgaun avon ils 1-9-2008.

Cuors practic, artechel 68 alinea 2, ordinaziun davart la protecziun d'animals

Enteifer igl'emprems onn da cumpra sto mintga possessur cumprovar il mussament dil cuors practic. Quei vala per mintga tgaun che vegn ni ei gia vegnius cumpraus suenter ils 1-9-2008. Quei cuors sto vegnir absolvius cun mintga niev tgaun.

Igl attest dil cuors sto vegnir presentaus tier la retratga dalla marca da tgauns per igl onn 2012. Ulteriuras informaziuns anfleis Vus sut www.bvet.admin.ch ni sut www.fludog.ch.

Administraziun communal Disentis/Mustér

Post d'integraziun – Ura d'audiencia

Il mandatari d'integraziun dalla vischnaunca da Mustér, Francis Etique, stat **mintga gievgia naven dallas 17.00–18.00** a disposiziun en casa communal, stanza 24 (2. alzada) per tuttas damondas che pertuccan l'integraziun.

Nezegei l'ura d'audiencia e fagei era attents persunas directamein pertuccadas da quella purschida.

Administraziun communal Disentis/Mustér



Alarm d'emprova

Tenor communicaziun digl Uffeci da militar e dalla protecziun civila dil Grischun ha liug en l'entira Svizra **mesjamna, igl 1. da fevrer 2012**

allas 13.30/14.00 alarm general
allas 14.15 alarm d'aua

Ei setracta d'alarms d'emprova tier ils quals ei vegn examinau d'ina vart sche las sirenas funcziuneshan e da l'autra vart vegn dau la pusseivladad d'emprender d'enconuscher ils differents tuns d'alarm.

Alarm general

Cun quei alarm vegn la populaziun alarmada en cass da prighel smanatschont. Il signal d'alarm general ha in tun che crescha e sbassa e che cuoza ina minuta. Aschinavon ch'il signal d'alarm general avisescha ordeifer igl alarm d'emprova, lu significhescha quei ch'ina periclitaziun dalla populaziun ei pusseivla. En quei cass vegn supplicau la populaziun da tedlar il radio DRS 1, da suandar las ordinaziuns dallas autoritads e d'informar ils vischins.

Alarm d'aua

Igl alarm d'aua vegn menaus atras allas 14.15. In tun bass interruts regulau che cuoza sis minutas. La populaziun sto interpreter neginas mesiras. Igl alarm d'aua vegn ins ad udir mo el territori nua ch'ei sesanfla lags da fermada. Dils plans cul territori periclitau sa vegnir priu investa tier l'administraziun communal. Aschinavon ch'il signal .alarm d'aua avisescha ordeifer igl alarm d'emprova, lu significhescha quei ch'ina periclitaziun dalla populaziun ei pusseivla. En quei cass vegn supplicau da bandunar immediat il territori periclitau.

Ulteriuras indicaziuns e reglas ein d'anflar sin las davosas paginas el cudisch da telefon, sut *Alarm dalla populaziun en cass da prighel acut*. Niev san ins leger las informaziuns sin teletext, pagina 662 ed era egl internet www.sirenentest.ch.

Bien engraziament per Vossa capientscha.
Suprastonza communal Disentis/Mustér

Corporaziun d'aua Spina da vin

Preavis: Radunonza generala

La radunonza generala dalla Corporaziun d'aua Spina da vin ha liug

mardis Pastgas, ils 10 d'avrel 2012 allas
20.15 el hotel «Alpsu», Disentis/Mustér.

– Tractandas statutaricas

Per la Corporaziun d'aua Spina da vin, Disentis/Mustér
Vossa suprastonza



Apparats d'udida

Gliendisdis, ils 30 da schaner 2012 saveis Vus schar schubergiar e regular Vies apparat d'udida en Casa da tgira Sursassiala a Mustér e Curaglia:

a Mustér naven dallas 14.00 tochen ca. las 15.15
a Curaglia naven dallas 15.30 tochen ca. las 16.30.

L'uniun Pro Audito Chur, cun Arthur Jacomet fa quei survetsch per tuts interessents gratuitamein.

Cordial invit
Casa da tgira Sursassiala

Uniun da dunnas Mustér *Tura cun calzers da neiv (gianellas)*

Datum: Dumengia, ils 5 da fevrer 2012
Menadra: Durschei Marta
Serimnar: 8.00 alla staziun da Mustér

Informaziuns detagliadas ed annunzias prendan bugen encunter **tochen ils 3-2-2012:**

Marta Durschei, tel. 081 947 48 08
e-mail: mdurschei@gmx.ch

Sigrid Loretz, tel. 081 947 40 29
e-mail: sigrid_loretz@hotmail.com

Uniun da dunnas Mustér *Mummas cun affons pigns* *Seruschnar – paterlar – termagliar*

Tut ils affons da 0 entochen 3 onns cun lur mummas e fargliuns ein cordialmein beinvegni **mesjamna, igl 1. da fevrer 2012** dallas 15.00–16.30 per passentar in bi suentermiezdi da cumpignia el local Artgin.

Per damondas ni sclariment stat Nathalie Lutz, tel. 081 947 61 94 bugen a disposiziun.

Mummas cun affons pigns Mustér

Preavis: Cabaretist Rolf Schmid en halla Cons a Mustér

Mesjamna, ils 4 d'avrel 2012 sepresenta il cabaretist grischun Rolf Schmid cun siu program *Absolut Rolf* allas 20.00 en halla Cons. Nus supplichein da prender enconuschientscha dil termin.

Prevendita da bigliets:
Sedrun Mustér Turissem.



Center da cultura lungatg e formaziun Surselva
Concurrenza da malegiar, zambergiar e crear per affons e giuvenils

Mira sut Laax!

Referat da Renzo Caduff a Laax

Mira sut Laax!

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Naven dils 26 da december 2011 entochen ils 6 da schaner 2012, pia duront las vacancas da Nadal e Daniev, resta la ludoteca Must.r serrada. Naven dils 9 da schaner 2012 ei il team dalla ludoteca puspei cheu per Vus.

Nus engraziein per Vossa capientscha.
Il team dalla ludoteca Mustér giavischa bialas e ruasseivlas fiastas da Nadal e pigl onn niev tut bien.

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér